



Trang 793

ANAMIE-NAGUMOWINUN

PM

851

A53


1884

SOA

WEJIBWEMODJIG

CHI ABADJITOWAD.

Gillfillan (J. A.)



PUBLISHED AT

22 AND 23 BIBLE HOUSE,
NEW YORK.

1784-2

PM 854

G48

NAGUMOWIN 1.

1. Kin bemadjiiweiun
 Ki bi-shagushkitago,
 Anwenindizowining,
 Dabusenimowining,
 Kin ga-wisagendumun
 Ninawind aking ondji,
 Kin eshpendagoziiun
 Kitimag' dtawishinam.

2. Ondji ki nigiwining.
 Ki gushkendumowining
 K gotugiziwining
 Ima bugwudakumig,
 Kin ga-shagodjitoiun
 Gagwedibenindiwin
 Jesus shewendjigeiun
 Kitimag' dtawishinam.

3. Ondji ki nibowining
 Ki nanandomowining
 Ki makiigowining
 Gi-pi-mamisquiwiiun,
 Kin ga-gushkitawiiang
 Kagige bimad'ziwin
 Jesus shewendjigeiun
 Kitimag' dtawishinam.

NAGUMOWIN 2.

1. Ni kitchi nisadendum ko
 Wabumasiwng au Jesus ;
 Washkobungin oma aking
 Ni wisugipidanun ko.
 Agawa go wasiazi
 Abita-nibini-gizis ;
 Api dush shewenimidjin
 Pibon gizis minwasige.

2. Ima od-inozowining
 Nind ondji-kitchi-minotum ;
 Wadjwidjin, apitchi go
 Ni kitchi-onaniguendum
 Apegish kaginig mi o
 Eji widjiwipun Jesus
 Nind da kitchi wawijendum
 Kabe bibon kabe nibin.

3. Ni mikonaweiendum sa
 Gi minug kakina ninde ;
 Ka dush wika bekanukin
 Nind da-wunishque'gosinun :
 Megua sa pugukenduman
 Iu o sagiiwewin
 Nin da pitchi-bapinendum
 Geget go Jesus widjiwit.

4. Nind ogimam kishpin geget
 Nin go debenimiwunen
 Anishwin na pedjiwiiian ?
 Gaie mojug gawudjishan ?
 O webasindumawishin
 Ono mudji anaquudon !
 Ishpiming tugwishimishin
 Endagog iu wanukiwin.

NAGUMOWIN 3.

1. Megua man'tan'shiwinin'wug
 Nanamadubiwad
 Angenun gi tuguishinon
 Bi-ganonigowad.
2. " Kego win segizikegon "
 O-gi-bi-igowan
 " Ki bi-minwadjimotonim
 Aking endushieg.
3. " Nongom ki nigitumagom
 David Weguisidjin
 Ishpiming duji Manido
 Nenandawiiwed.
4. " Ijaiiok au abinodji
 Ishpiming wendjibad

Awakaniwigumigong
Ki da-wabumawa.”

5. Ga-ishqua-ganonigowad
Gi-waseiaziwun
Ishpiming duji anish'naben
O gi-inaamon,
6. “Kakina mamoiawamik
Meno-manidowit
Shawendagoziwin minad
Aking eianidjin.”

NAGUMOWIN 4.

1. Wi niboian ina eta
Gi-ondji-nigishiwamban
Kitwen chi niboian ?
Anin dush na au nintchitchag
Ka wika win chi nibosig
Ge-iji-aiagwen ?
2. Nind awi sa nanibwaka
Debendjiged gi-ikidot
Kakina chi nibong ;
Ishpiming ge-ondji-ijang
Eta nin da-inanoki
Chi bwa iu niboian.

3. Ga-ondumesh oma aking
Ta-mudji-ijitchigesim
Waiba ta-nibom
Kishpin ja'gwa ishquandeming
Babugumigabawigwen
Ge-dibakoniwed.

NAGUMOWIN 5.

1. Anishwin na mawimungwa
Igiu nebashidjig?
Jesus sa win o nundoman
Wa-odapinadjin.
2. O-gi-bi-shawendumawan
Enumianidjin
Chi anwebinit dush ima
O wanikaniwang.
3. Ga-iji-abidjibad dush
Ispiming gi-ijad
Mi go iu gaie kinawind
Ge.'ji-onishkaiung.
4. Mano ta gotamigwewe
Iu kitchi bibigwun,
“Koshkoziuk nebwakaieg
Ishpiming ijaiuk.”

NAGUMOWIN 6.

1. Aiamagut sa kagige
Mino dunukiwin ;
Ka wika tibikusinon
Epitch onanigwuk.
2. Kaginig minokumini
Minwabigoninig
Mi eta go iu nibowin
Kebishkagemaguk.
3. Kitchi misawinagwut sa
Iwidi agaming
Oma ondas nakakegam
Onzabundjigeshung.
4. Nita shagwenimoshiwug
Wa-ajawaodjig ;
Gwinawi-kitchikazowad
Ondas inakegam.
5. O guskitoiungobun iu
Chi mushkawendumung
Ki-da pugukabundamin
Gwenadjiwung aki.

NAGUMOWIN 7.

1. Mudji aiiwish
 Gega nesigoian
 Nin gi-iji-mikan
 Nwadjimoigoian
 Wabumik au Debendjiged
 Agodjing ima mitigong !

2. O menweningeiun !
 O wadokageiun !
 Ki gi-wewibita
 Nodjimoiveiun !
 Anin ged-ijitchigeian
 Mizi chi kikenimikwa.

3. O apegish kakina
 Aking ge-debweweg !
 Nongom aioiamban,
 Chi windumageian ;
 Au Debendjiged kakina,
 Kakina go gi-ondjine !

NAGUMOWIN 8.

1. Ketchi aiekoziieg,
 Iu babawanishineg,

Jesus bi-nazikawik,
 Kinawa gi-ondjine ;
 O misqiuming aiamok
 Mino bimadiziwin.

2. Mikamok iu menwamok
 Jesus ga-bi ojitod ;
 Gi-gigi-wisugendung
 Kid ondji-bimadizimin :
 Apitchi go kakina
 Mikumok wa-aiameg.

3. Debueienimik isa
 Oguissun gi-minineg !
 Kitchi mino aiaiiok,
 Iu bi-shawenimineg :
 Ispiming eiamaguk,
 Ki shawenimigowa.

4. Kakina endushiwind
 Ano wi-shawendjige
 Ga-ikitogobunen
 Pi-iji-shawendjige ;
 Nongom shawendagozig
 Gaie dush igo mojug.

NAGUMOWIN 9.

1. Babaminwadjimoiuk sa
Gi ikito Debendjiged ;
'Wegwen ge-debuetumogwen
Mi go au ge-nodjimoind.
2. Nin ga babawidokan sa
O o nin minwadjimowin
Ga-aiijitchigeian sa
Ki ga-'ni-aiijitchigem.
- 3 Windumageiuk go mizi
Iniw nin gagiquewinun ;
Kaginig ki ga widjiwinim
Nananj go tchi 'shqua-akikag.

NAGUMOWIN 10.

1. Pi-madjaiiuk, wadjiwieg,
Odjanimendumowining
Keiabi eiaieg :
Wenebik sa wanendumok
Wedjanimigoiegon
Nigan chi inabiieg.

2. Ishpiming sa inabiiuk
Endawad ga-nibwakadjig
Gwunadjiwunini ;
Kitchi debweiendumowin
Mano oninguiguniiok
Chi ombishkaiieg dush.
3. Kid ogimaminan Jesus
Ondji godugiigoium
Ki ga wabumanan ;
Kakina meshkawendungig
Ta minawug wiwakwanun
Beshigendagwukin.
4. Kitchi widokagemagut
O o paguisendumowin ;
Nuadjimoigoium ;
Waiba sa ki ga-ishqua
Migoshkadendamin aking
Chi 'jaiung gijigong.
5. Keget go Kitchi Manido
Mijisha 'ga wabumanan
Ketchi gwunadjiwid !
Ta kitchi minwewemagut
Ki mamoiawewininan
Waseiazawining.

6. Weosimind Wegwisimind
Gaie Panizid Otchitchag
Ki ga wabumanan ;
Ki ga-modjigendamin dush,
Wabumung wegimawubit
Kagige Manido.
7. Mi iu wi-de-duguishinang
Wendji paguisenimoshang
Shagushkitagoiun ;
Pa'ma nin ga-wabundamin
Iu ge-moshkineshkagoiang
Ki manidowiwin !

NAGUMOWIN 11.

1. Mano nongom onagoshig
Ta-paziguimagut
Mamoiawagendumowin
Ima nindeinang.
2. Debenjiged kabe gijig
Ki widokagonan
Kinawind baiedjiwishung
Bi-mino-dodonung.

3. Keget sa kijika gisis
Endaso gijiguk
Nawatch dush win kijikani
O shawendjigewin
4. Oshki shawendjigewinun
Ga-bi mijiiangin
Oshki mamoiawewinun
Nin da magumomin.

NAGUMOWIN 12.

1. Chi mamoiawaminan sa
Nin gi-ondji-koshkoz ;
Jesus ganawenimishin
Nin baiedjiwiiian.
2. Migwetch wedisabunduman
Minawa gijiguk
O mano ki ga debweton
Nongom kabe gijig!
3. Ganawenim sa nintchichag
Chi batazisiwan,
Kakina chi madjamaguk
Migoshkad'ziwinun.

4. Mano ganawendun iniu
Nind ikitowinun
Chi 'ni nibwaka-gijweian
Ge-dasso-gijiguk.
5. Nodjimowin ni babiton
Ketimag'jishshan
Keget go chi ikitoian
Jesus Nind ogîmam.

NAGUMOWIN 13.

1. 'Na ! iu tchibegumig mudue
Nuninawetagwut ;
Pi-wabundumok iu pa'ma
Chi shushingishineg.
2. "Ogimadog, wabiguning
Ki ga shingishinom ;
Eji tabusiqueshinong
'Ga-iniqueshinom."
3. Kitchi Manido ! geget na
Mi na 'ma ged-ijang !
Tchibegumigong kakina
Inawunidishang !

4. Mano sa mijishinam
Ki widokagewin
Api dush ishqua neseiang
Nin ga ombishkamin.

NAGUMOWIN 14.

1. Ta-nibomagut na
Niou tchi bunaduk ?
Nin ga-unguagoguneshin
Ina oma aking ?
2. Mi go iu nibowin
Ge-piniigoian
Pi-tuguishing dush nintchichag
Nin ga-bi-andjiig.
3. Nin Kije-Mamito
Nin ganawenimig ;
Akawabundung dush iu
Ni wiuguseim.
4. Ta-gwunadjiwunon
Ono wiawishun
Ta-kitchi-waseiawun,
Iwidi ishpiming.

5. Gi-nibotawiang
Kitchi miguetch Jesus ;
O mano aking aiaiang
Ga-modjigizimin.
6. Jesus, odapinun
Nenagumoshangin
Nananj go tchi nagumoiang,
Ketchi-minwewegin.

NAGUMOWIN 15.

1. O apegish na geget
Kisadendumamban,
Pi-ininamonamban
Iu nokideewin !
Gi-mudji dodawug
Nin Kije-Manidom
Chi ondji kisadenduman
Iu nodjimosiwan.
2. Jesus mijishin iu
Nundoneigewin ;
Gagetin tchi nundodaman
Ki shawendjigewin
Bi-nokabumishin
Nin gegondizian
Apitchi piguabikaun
Esiniwung ninde !

NAGUMOWIN 16.

1. Api Jesus bi-tugwishing
Gijig ta-gotamigwewe
Kakina ga-pi-nibodjig
Neiab ta bimadiziwug.
2. Medji-ijiwebizidjig
Ta-gagwanisugendumog
Wabundumowad ishkode
Ge-duji-aiashikwewad.
3. Kinawind guaiukoziung
Kaginig aiangwamiziiung
Kawin nunizanakumig
'Ga-ijiwebizisimin.
4. Kinawind, megwa anungog
Kakina pungishinowad
Gaie wudjiwun ningideg
'Ga-minawaniguendamin.
5. Megua ganawabundumung
Anotch gego unguakideg
Ki ga-iji-ombishkamin.
Au Jesus okitchinikang.
6. Wenda izan igo nongom
Ispiming wenzabundumung
Gija ki missadendamin iu
Endunukid Debendjiged.

SMITHSONIAN INSTITUTION LIBRARIES



3 9088 00699 3752